

April 2021

Samhandlingsnytt

Kjære lesar

Pasientane skal i større grad kunne møte spesialisthelsetenesta i heimen gjennom bruk av digital heimeoppfølging, videokonsultasjon og nettbasert behandling. Denne endringa kan i nokre høve påverke samhandlinga mellom spesialisthelsetenesta og kommunal helse- og omsorgsteneste, og føreset utvikling av digital infrastruktur for å understøtte informasjonsdeling både internt i spesialisthelsetenesta og med kommunal helse- og omsorgsteneste når det er relevant. Utvikling av meir fleksible og digitale spesialisthelsetenester som legg til rette for betre og meir effektiv oppfølging av pasientane vil vere eit satsingsområde dei neste åra.

E-Helse Vestland

Helsetenestene er i endring for å sikre bærekraft og kvalitet i framtida. Behovet for ny kompetanse, nye arbeidsformer og auka samhandling pregar utviklinga. Den medisinske og teknologiske utviklinga gjere det mogeleg å tilby tenester nærare brukar sin heim, også ved meir komplekse tilstandar som vil krevje meir spesialisert kompetanse, større fagmiljø og tverrfaglig samarbeid



Prosjektet «E-helse Vestland» har som mål å etablere Vestland som ei kraftregion for bruk av teknologi i helse- og omsorgstenesta.

Prosjektet starta opp i august 2020 og har ein 5-års plan. Prosjektet er ei samanslåing av to



Kontakt

Nettstad

<https://helse-forde.no/samhandling-i-sogn-og-fjordane>

www.samhandling-sfj.no

Kontaktperson

[Marte Ulltang](#), Konst.
Samhandlingssjef, Helse Førde

Det skjer

Teknologi i helse og omsorg
11. mai, 1000-1430 - *Heildigital konferanse*

Konferansen presenterer brukarperspektiv på praktiske utfordringar i kvardagen, korleis digitalisering og teknologi endrar arbeidskvardagen i sektoren og korleis kommunane og innbyggjarane og sjukehus må omstille seg for å møte desse endringane.

Meld deg på [HER](#)

Nasjonal Erfaringskonferanse
Leve Heile Livet.
26. mai, 1000-1400 - *Heildigital konferanse*

KS, i samarbeid med nasjonalt og regionalt støtteapparat, arrangerer erfaringskonferanse. Det er gratis å delta på konferansen, og påmeldingsfrist er 21. mai.

Meld deg på [HER](#)

velferdsteknologiprojekt som har føregått gjennom mange år i Hordaland og Sogn og Fjordane: «Fylkesprosjektet» og «Vestlandsprosjektet». Det nye *prosjektsamarbeidet oppstod etter at Vestland fylke vart etablert i 2020. Prosjektet tek høgde for samkøyinga som skjer nasjonalt gjennom Nasjonal velferdsteknologiprogram (NVP), og skal supplere, sikre og vidareutvikle faglege aktivitetar og få med alle kommunane ut frå følgjande felles visjon: «Alle innbyggjarane i Vestland fylke skal kunne bu trygt og lengst muleg heime med velfungerande tenester stotta av e-helse, særleg velferdsteknologi».*



E-helse Vestland er i gang med å utvikle eit sterkt fagleg samarbeid og partnerskap for å samle, bygge og dele kunnskap og erfaringar som er kritisk for effektiv innføring av velferdsteknologi. Sunnfjord kommune er vertskommune og det er med fyljande samarbeidspartar i prosjektet E-helse Vestland: Høgskulen på Vestlandet (HVL), Vestlandforskning/IT-forum Vest, Helse Vest IKT, USHT VESTLAND (Sogn og Fjordane og Hordaland), Alarmsentralen Sogn og Fjordane IKS, Helse Bergen og Helse Førde

Helseatlas

Den nasjonale oppgåva med å utvikle ei helseatlasteneste er lagt til Helse Førde i Helse Vest RHF og Senter for klinisk dokumentasjon og evaluering (SKDE) i Helse Nord RHF.

Ei helseatlasteneste skal gi betre kunnskap om bruk og variasjon av helsetenester. Atlastenesta skal presentere omfang, ulikskapar og utviklingstrendar av helsetenester fordelt på ulike geografiske område. Eitt av hovudmåla for helsetenestene i Noreg er at tenestene skal vere likeverdige og tilgjengelege for pasientane uavhengig av kvar du bur. Store variasjonar i bruk av helsetenester, mellom ulike område der pasientane bur, er ikkje ønskjeleg dersom sjukdomsfordelinga er lik. Helse Førde har publisert følgjande på nettstaden www.helseatlas.no:

"Helseatlas for ortopedi i Noreg Bruk av helsetenester innan ortopedi 2012 - 2016" (desember 2018) og "Helseatlas for psykisk helsevern og rusbehandling. Oversikt og analyse i bruk av psykisk helsevern og tverrfagleg spesialisert behandling av ruslingar i Noreg for åra 2014-2018" (juni 2020).

Månadens intervju

Marta Strandos, Leiar av Utviklingssenter for sjukeheim og heimetenester (USHT) Vestland (Sogn og Fjordane). *Sjukepleiar, Mastergrad i organisasjon og leiing*



Kva engasjerer deg innanfor samhandlingsfeltet?

Når det er engasjement og vilje til å forstå kvarandre sin situasjon, og ynskje om å finne dei gode løysingane for pasienten. Så har eg eit sterkt ynskje om at dei digitale løysingane skal bli meir samordna og slik vere nyttige verktøy for å betre pasienttryggleiken og utvikle dei gode tenestene på tvers av tenestenivåa.

Kva verdiar syns du er viktig for å oppnå god samhandling mellom tenestenivå?

Gjensidig respekt for kvarandre sin kompetanse og arbeidskvardag

Korleis ser du føre deg samhandlinga mellom tenestenivå om 10-15 år?

Dette er komplekse problemstillingar, og eg kan undre meg over korleis vi skal få det til på ein betre måte. Eit verkemiddel som kan vere til hjelp, er gode digitale løysingar som «snakkar saman», og som gir pasienten og helsearbeidarane oppdatert informasjon i «no-tid». Vi får tru at dette er på plass innan den tid.

Dette er komplekse problemstillingar, og eg kan undre meg over korleis vi skal få det til på ein betre måte.

I dag arbeider tenesta i Førde med «Helseatlas psykisk helse og somatisk behandling», og undersøker om det var geografiske variasjonar i bruk av somatiske spesialisthelsetenester for pasientar med psykisk lidning og/eller rusliding i perioden 2015-2019. I analysane inngår også ei samanlikning mellom pasientar med og pasientar utan psykisk lidning eller rusliding sin bruk av helsetenestene.

Helseatlastenesta i Helse Førde er ein del av Seksjon for forskning og innovasjon i Fag- og utviklingsavdelinga, og har fem tilsette. Arbeidsstad er Førdegården.

*I Helseatlasteamet i Helse Førde (frå venstre):
Maria Holsen, Knut Ivar Osvoll, Marte Bale,
Oddne Skrede og Haji Kedir Bedane*

Siste nytt frå

Felles Brukarutval

Felles Brukarutval er svært nøgd med at kontrakt for det nye Livabygget er teikna, og at byggeprosessen blir sett i gang for det nye somatiske sjukehusbygget. Brukarutvalet har vore representert både i styringsgruppa og i prosjektgruppa for Livabygget. Slik kontraktsgrunnlaget er utforma vil mange detaljar, som har stor innverknad på brukarane si oppleving av det nye sjukehuset, bli fastlagt i fasen som prosjektet no går inn i. Brukarutvalet med sine representantar er innstilt på å delta aktivt i prosjekteringsfasen og planleggingsfasen som vil gå parallelt med den vidare byggeprosessen.

Taktisk samhandlingsgruppe

[Taktisk samhandlingsgruppe](#) har hatt to møter i april. Kvart møte vert innleia med statusoppdatering frå kommunane og Helse Førde. Tema denne månaden har blant anna vore testkapasitet Covid-19 i Helse Førde. Saka er utgreidd i Helse Førde og ut frå ei samla vurdering meiner ein at noverande tilbod er forsvarleg. Kapasiteten i Helse Førde er tilsvarande andre HF. Større volum skal til regionssjukehus. Det vil også ta relativ lang tid å etablere ei utviding av tilbodet, og det vil først kunne skje i september. Ande saker som har vore drøfta er vaksinerings av pasientar med tidlegare anafylaktisk reaksjon. Det er også orientert om avvikling av akuttmottak 2 ved FSS. Beredskapsleiinga har bestemt at ein skal nedskalere Akuttmottak 2. Dette er vurdert ut frå at det er lite pågang av pasientar, gjennomsnittleg var det 4,2 pas/døgn og talet har gått ned. Ein har også fleire personar som no er vaksinerte. Det er etablert rutine for kommunikasjon mellom legevaktslege og koronalege. Betre styring av pasientar i akuttmottak og styrka bemanning med fleire legar og sjukepleiarar. Pasientar vil etter mottak bli sende til eiga avdeling. Større kohortkapasitet vil kunne aukast relativt rask.

Fagrådet

Møte nummer to i [Fagrådet](#) for 2021 vart halde 15.04.21. Saker som vart lagt fram i møtet inkluderte statusoppdatering av Helsefelleskap og korleis sikre god informasjon og forankring kytt til arbeidet som har vore gjort og det vidare arbeidt, orientering om

legerekutteringsstrategien i HFD, og oppfølgingssak om samhandlingsavvik og informasjon om kontinuerlig behov for påminning og ny opplæring om korleis ein melder samhandlingsavvik (e-læringskurs finn du [her](#)). Det vart også orientert om at «Pust deg betre» har fått midlar til å starte implementeringsprosess av applikasjonen ute i kommunane, samt at det vart informert og samarbeid og samhandling mellom Psykisk helsevern (PHV) og kommunane. Det vart bl.a. informert om det pågåande prosjektet «Barn og unge si helseteneste».

Saklister og godkjende referat frå fagrådet finn du [HER](#)

Koordineringsrådet

Det andre møtet i [koordineringsrådet](#) for 2021 vart halde 28.04.21.

Saker som vart lagt fram i møtet inkluderte orientering om prosjekt Campus Vie og Vestlandslegen. Det vart også orientert om at helseføretaka frå 01.03.21 skal ta i mot tilvisingar og rettighetsvurdere for private avtalespesialistar innan PHV. Andre saker som vart lagt fram var bl.a. tillitsvaltrepresentasjon inn i Helsefelleskapet og at statsforvaltaren har lyst ut anbod for legevaktkurs for LIS legar.

Saklister og godkjende referat frå koordineringsrådet finn du [HER](#)

Vil du bli ny samhandlingssjef i Helse Førde?

Helse Førde har ledig fast stilling som samhandlingssjef. Samhandlingssjefen har ein viktig funksjon med å vedlikehalde og styrke samarbeidet mellom Helse Førde og kommunane. Det er etablert gode samarbeidsstrukturar og ei rekke avtalar mellom føretaket og kommunane/KS.

Stillinga er plassert i stab hos utviklingsdirektør. Oppgåvene vert løyst i nært samarbeid med leiinga i føretaket.

Les meir om stillinga [HER](#)